

no per mudar aiere. Il Doxe li fece gran careze; fo ordinato farli patente et partirà.

Fo dito che haveano lettere a Ferara di la morte dil Papa; *tamen* da 21 dil mexe in quà non si ha lettere di Roma di l' Orator nostro.

123 *A dì 29.* La matina non fo nulla da conto.

Da poi disnar, fo Pregadi per far li Sindici di Dalmatia, et uno sora li Extimi in luogo di sier Anzolo Dolfin è morto.

Fo leto la letera da Ingaltera numero 3 scritta di sopra, e questo di più, come la Raina vedova di Portogallo sorella di l' Imperador e maregna dil Re presente par sia gravada di ditto suo fiastro.

Item, scrive nove di Scozia.

Item, ch'el Re havia scritto al Pazeo suo orator, è quì, andasse in certo negozio. Hora li scrive non si parti e slagi a tratar l'acordo con l' Imperador et la Signoria nostra, et che dito Re et Cardinal ha mala contenteza di ditto Imperador dicendo è bislingue etc.

Da Sibinicho, di sier Andrea Balastro conte e Capitanio, do letere, di 5 et 6. Come quel sanzacho vol venir a tuor Clissa, et altri avisi.

Da Liesna, di sier Piero Zen va orator al Turcho. Dil suo navegar li; et zonto a di . . . dito, zoè Mazo, et come il sanzacho di Montenegro li ha mandato a dir che li voleva parlar, et questo per l'amicitia vechia quando el fo retor a Cataro, et che li manderà un presente di ducati 14 si ben dovesse spender dil suo. *Item*, come si va informando per la Dalmatia di danni ha fato turchi per potersi lamentar al Signor.

Fo fato uno sora li Extimi, sier Zuan Alberto fo Proveditor a Ixola qu. sier Nicolò per eletion et per scurtinio; do Syndici in Levante, sier Lunardo Venier fo auditor nuovo di sier Moisé e sier Hironimo Querini è di Pregadi qu. sier Francesco per danari; il scurtinio sarà quì sotto posto.

Fu poi posto per li Savii mandar in Candia Zuan da Como per governador de li di quelle ordinanze, in loco di Gabriel da Martinengo con ducati 50 al mese per sua provision, et meni con sì 10 contestabeli con uno schiopetier per uno, et altri fanti *ut in parte*, con altre clausole; et ave tutto il Consejo, una non sincera.

Fu posto per loro Savii la expedition di l' orator di Crema di 6 capitoli; balotati li tre primi a uno a uno, poi tutti tre a un tratto.

Fu posto per i Consieri, Cai di XL, e Savii spender li debiti di sier Piero Venier qu. sier Domenego, hanno con la Signoria nostra, per do anni, et fu presa: ave 183, 13, 0.

Noto. In le letere de Ingaltera, è come è sta fato il secondo parlamento e terminato elezer 4, uno per ordine di ecclesiastici, quali habbino libertà da li altri per redursi e terminar etc. Et el Cardinal ha fato far tutti soi, sì che potrà disponer di loro. Vorà far dagino li do terzi di l' entrata. *Item*, li signori e altri farano la tansa di 300 milia ducati, ma sarà di cento milia. Scrive che in Scozia è capità 16 nave con il re di Dazia, la moier e fioli suso ben in ordine, nè si sa la causa: chi dice per voler stipendio da scozesi, chi per esser sta scazato dil regno da quelli popoli di Dazia; nè voleva dismontar e stava sul mar.

*Eletion di un al Collegio di XX Savii sora i 123.
Extimi, in luogo di sier Anzolo Dolfin a chi Dio perdoni.*

Sier Alvixe Dolfin, qu. sier Piero da santa Marina	136. 64
Sier Alvixe Minio di sier Lorenzo, qu. sier Almorò	129. 82
Sier Beneto Balbi, qu. sier Piero, qu. sier Beneto	72. 129
Sier Sebastian Barbo di sier Faustin . .	143. 65
Sier Beneto da cha' Taiapiera, qu. sier Alvise, qu. sier Zuane	115. 83
Sier Zacharia Simatecolo fo zudexe di forestier, qu. sier Anzolo	132. 75
Sier Andrea Nani, qu. sier Hironimo . .	144. 60
Sier Anzolo Memo fo a la doana di mar, qu. sier Lucha	119. 86
Sier Hironimo di Prioli fo podestà a Campo S. Piero, qu. sier Jacomo . .	106. 93
Sier Vincenzo Gixi di sier Zuan Piero . .	126. 81
Sier Piero Diedo fo zudexe di Mobebe, qu. sier Anzolo	126. 78
Sier Marco Corner fo a la taola di l'in- trade, qu. sier Donado	128. 76
Sier Vincenzo Basadona fo podestà a Noal, qu. sier Zuan Francesco	126. 79
Sier Piero Alvise Barbaro fo zudexe di Forestier, qu. sier Zacharia	99. 108
Sier Marco Antonio Malipiero di sier Zuane, qu. sier Hironimo	128. 74
Sier Antonio Premarin fo podestà a Vale di sier Thomà	137. 72
† Sier Zuan Alberto fo podestà a Ixola, qu. sier Nicolò, qu. sier Zuan dotor	153. 54